

DEPARTMENT BLO EDIUKEISAN ANE TREINING

Riding ane Kaunting**Fact Sheet**

Sapot pikinini blo yu

Wanem Riding?

Riding em i da sabe po rid, rait, droa, spik ane lisin sodat yu ken tok ane rait po wananada, sabe wananada, ane sabe wanem i apen wea da wold

Watpo riding i impotant?

Riding i prapa impotant solong yu pikinini em gad bes sans po du prapa gud wea skul and wea dempla laip. Riding i min yumpla ken sabe mining blo olkain buk, peipa, magazin, DVD's, TV, ane reidio, sain, maps, wen pipol tok po wananada ane wen dempla spik yumpla wanem po mekem.

Wei po sapot riding blo pikinini blo yu po kam mogud

Olkain stadi em spik dat wen mama ane pada i wande sapot pikinini blo dempla wea em skul wok, dem pikinini em laik po go skul ane dempla kam mogud wea skul wok. Em gad olkain wei wea ebridei laip po sapot sabe blo riding. Em gad demwan ya:

- sapot ane inkariz pikinini blo yu wen em trai po rid
- spik dempla dem ting yu sabe baut and spik dempla wiskain wei dempla ken yuze riding wea dempla oun laip
- inkariz pikinini blo yu po rid ane luk olkain riding wanem, wase peipa, stori buk, komik, magazin, intanet, email, taimteibol, instraksan and buk blo kuk
- inkariz pikinini blo yu po rait ane dizain po olkain samting wea em yuze printing ane intanet – inbiteisan, eso leta, soping list, mesiz, storiz ane komputa
- inkariz pikinini blo yu po spik ane lisin dem ting po olkain rizan — po yan stori, po spik wanem po mekem o po ask po sam inpomeisan
- soe dem pikinini blo yu dat ol langus i impotant
- tokbaut wiskain raiting i dipren koz i gad dipren rizan po rait samting ane i gad diprenkain pipol uda go ridem – teks mesiz i gad dipren speling prom skul wok
- tok po wananda baut demting yupla bin rid o luk, wea em bin meke yu lap o meke yu tingk o wea em bin elpe yu
- tokbaut dem peibrat raita, producers, directors o atist ane watpo yu laik dempla
- tokbaut niu o streinz wod ane paindaut blo dem wod wea diksonari o intanet
- plei geim wea dem pikinini go gede mo sabe baut wod
- go ane yuze dem resources wea komuniti blo yu wea skul o laibrari, komuniti grup ane wea intanet



DEPARTMENT BLO EDIUKEISAN ANE TREINING

Riding ane Kaunting**Fact Sheet**

Sapot pikinini blo yu

Wanem kaunting?

Wen yu prapa sabe kaunting ane em i izi po yu i min yu ken yuze maths po elpe yu wea ol laip blo yu

Watpo kaunting i impotent

Kaunting i elpe yu tingk stret baut dem ting wanem yu mas mekem ane da bes wei po meke dem ting wea ebridei laip. Wi nid po sabe kaunting po elpe paine ansa, po sabe wanem taim, namba, patan ane seip, po demtaim wen yu kuing, wen yu luk map, wen yu rid smating po sabe wanem po mekem ane wen yu plei spot

Wei po sapot kaunting blo pikinini blo yu po kam mogud

Olkain stadi em spik dat wen mama ane pada i wande sapot pikinini blo dempla wea em skul wok, dem pikinini em laik po go skul ane dempla kam mogud wea skul wok. Em gad olkain wei wea ebridei laip po sapot sabe blo kaunting sabe. Em gad demwan ya:

- inkariz pikinini blo yu po yuze dem kaunting wod – amas, wiskain big, wiskain smol
- tokabout yuze namba, patan ane seip yu luk wea ebridei laip – dem namba yu luk wea skul buk, patan ane seip yu luk de ausaid wea skul, wea aus ane wea ol bilding
- tokabout dem taim wen yu yuze namba ane kaunting wea dem ples wea yu wok ane wea ebridei laip – wen yu kuk, wen yu luk map, wen yu bilde samting ane wen yu plei spot
- tingbaut dem ting yu mekem wen yu yuze mani po soping, seibing o yuze kredit kad
- wen yu trai meza samting po aulong o aubig, wiskain ebi o lait demting o aumas samting yu ken putem insaid konteina
- tokabout ol dipren dipren wei po paindaut dem ansa
- yuze dem ting wea aus, wase teip meza o kuk meza, ane dem dipren wei po meza samting
- ask ‘yu sabe wanem ai min?’ , ‘das da prapa ansa a?’ o ‘I gad nada wei po mekem?’
- sabe po yuze taimteibol, kalenda ane klok wen yu de lo skul, wen yu tingbaut po go olidei and wen yu go po kese taksi, bot o plein
- elpe pikinini blo yu wokemaut wanem kost blo samting ane aumas seinz em i go gedem
- plei namba geim wea yu yuze magazin, buk, peipa ane nada samting
- sotemaut samting, oganaiz samting, ane kaunte ol ting wase toi, book, klos ane sandal

Po mo inpomeisan baut wiskain yu ken elpe pikinini blo wea riding ane kaunting go bizit www.education.qld.gov.au/parents/map o go po da skul ane tok po dem tisa

